



ЎЗБЕКИСТОН RESPUBLIKASI
ЖИСМОНИЙ ТАРБИЯ ВА СПОРТ ДАВЛАТ ҚЎМИТАСИНING
ҚАРОРИ

Спорт паспорти тўғрисидаги низомни
тасдиқлаш хақида

Ўзбекистон Республикасининг “Жисмоний тарбия ва спорт тўғрисида”ги Қонунига мувофиқ Ўзбекистон Республикаси Жисмоний тарбия ва спорт давлат қўмитаси **қарор қилади:**

1. Спорт паспорти тўғрисидаги низом иловага мувофиқ тасдиқлансин.
2. Мазкур қарор расмий эълон қилинган кундан эътиборан уч ой ўтгач кучга киради.

Раис



Р. Курбанов

Тошкент вилояти
2017 йил 24 октябрь,
12-мх-сон

Ўзбекистон Республикаси
Жисмоний тарбия ва спорт давлат
қўмитасининг 2017 йил 24 октябрдаги
12-мх-сон қарорига
ИЛОВА

Спорт паспорти тўғрисидаги НИЗОМ

Мазкур Низом Ўзбекистон Республикасининг “Жисмоний тарбия ва спорт тўғрисида”ги Қонунига мувофиқ спорт паспортларини юритиш, бериш, алмаштириш (янгисини бериш), уларни ҳисобга олиш ягона тизимининг амал қилиш тартибини белгилайди.

1-боб. Умумий қондалар

1. Спорт паспорти ягона намунадаги ҳужжат бўлиб, спортчининг жисмоний тарбия-спорт ташкилотига мансублигини ва унинг спорт малакасини тасдиқлайди.

2. Спорт паспортида:

спортчининг фамилияси, исми, отасининг исми;

жинси;

туғилган санаси;

спортчининг жисмоний тарбия-спорт ташкилотига мансублиги;

танланган спорт тури ёки спорт турлари ва спорт турининг тармоқлари;

спорт унвонлари ва спорт разрядлари берилганлиги тўғрисидаги маълумотлар;

спорт унвонлари ва спорт разрядларини бериш учун зарур нормалар ҳамда талаблар бажарилганлигини тасдиқловчи маълумотлар;

спортчи тиббий текширувдан ўтганлиги тўғрисидаги белги;

спорт мусобақаларида эришилган натижалар;

спортчининг спорт дисквалификацияси тўғрисидаги маълумотлар;

давлат мукофотлари ва бошқа шаклдаги рағбатлантиришлар тўғрисидаги маълумотлар;

тренернинг фамилияси, исми, отасининг исми;

танланган спорт тури ёки спорт турларининг ўзига хос хусусиятлари билан боғлиқ бошқа маълумотлар кўрсатилади.

3. Спортчининг жисмоний тарбия-спорт ташкилотига мансублиги спортчи ва жисмоний тарбия-спорт ташкилоти ўртасида тузилган меҳнат шартномаси асосида ва (ёки) спортчининг жисмоний тарбия-спорт ташкилотига аъзолиги асосида аниқланади.

4. Спорт паспортидан:

спортчининг бир жисмоний тарбия-спорт ташкилотидан бошқасига ўтишида;

спортчини спорт мусобақаларида иштирок этиш учун рўйхатга олишда;

спортчининг тиббий текширувдан ўтишида;

спортчи томонидан спорт унвонлари ва спорт разрядларини бериш учун зарур бўлган нормалар ҳамда талаблар бажарилишида;

қонунчиликда белгиланган бошқа ҳолларда фойдаланилади.

2-боб. Спорт паспортини юритиш

5. Спорт паспорти мазкур Низомнинг 1-иловасига мувофиқ китобча шаклида расмийлаштирилади. Спорт турлари бўйича республика спорт терма жамоалари аъзолари ҳамда республика спорт терма жамоалари захиралари аъзолари бўлган спортчилар учун қўшимча равишда мазкур Низомнинг 2-иловасига мувофиқ пластик карта шаклидаги спорт паспорти расмийлаштирилади.

6. Пластик карта шаклидаги спорт паспортининг амал қилиш муддати 3 йил, китобча шаклидаги спорт паспортининг амал қилиш муддати эса, чекланмаган ҳисобланади.

7. Спорт паспортини расмийлаштириш Ўзбекистон Республикаси Жисмоний тарбия ва спорт давлат қўмитасининг Сертификациялаш ва компьютерлаштириш маркази (бундан буён матнда Марказ деб юритилади) томонидан амалга оширилади.

8. Спорт паспорти расмийлаштирилганда Марказ томонидан спортчи ҳақидаги бошланғич маълумотлар “Спорт паспорти” Ўзбекистон Республикаси спортчиларини ҳисобга олишнинг ягона ахборот-маълумот тизими (бундан буён матнда ягона ахборот-маълумот тизими деб юритилади) киритилади.

9. Спорт паспортида тегишли маълумотлар спортчи мансуб бўлган тегишли жисмоний тарбия-спорт ташкилоти томонидан киритиб (янгилаб) борилади.

Жисмоний тарбия-спорт ташкилоти спортчининг спорт паспортидаги янгиланган маълумотларни (шу жумладан спортчининг жисмоний тарбия-спорт ташкилотига мансублиги йўқолганлиги ҳақидаги маълумотни) ягона ахборот-маълумот тизими (бундан буён матнда Марказ деб юритилади) киритилиши учун 1 ой ичида тегишлича Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошқармаларига (бундан буён ҳудудий бошқармалар) тақдим қилиши лозим.

10. Ягона ахборот-маълумот тизими (бундан буён матнда ягона ахборот-маълумот тизими деб юритилади) киритилиши учун тақдим этилган маълумотларнинг ҳаққонийлиги ва тўғрилиги учун масъулият жисмоний тарбия-спорт ташкилоти зиммасига юклатилади.

3-боб. Спорт паспортини бериш

11. Спорт паспорти ўсмирлар учун иккинчи спорт разрядидан паст бўлмаган разрядга эга бўлган, тегишли спорт тури билан мунтазам равишда шуғулланиб келаётган ва спорт мусобақаларида доимий равишда иштирок этувчи спортчига берилади.

12. Спорт паспортини олиш учун спортчи (унинг қонуний вакили) ёки спортчи мансуб бўлган жисмоний тарбия-спорт ташкилоти (ташкилот вакили) (бундан буён матнда мурожаат этувчи деб юритилади) тегишлича ҳудудий бошқармага спорт паспортини бериш тўғрисидаги ариза (бундан буён матнда ариза деб юритилади) билан

бевосита ёки почта орқали ёхуд электрон алоқа воситалари орқали электрон шаклда мурожаат қилади.

Аризага спортчининг маълумотнома-анкетаси, паспорти (туғилганлик ҳақидаги гувоҳномаси (агар паспорт олмаган бўлса) нусхаси ҳамда 3 х 4 ўлчамдаги оқ фондаги 2 та рангли фотосурати илова қилинади. Бунда спортчи (унинг қонуний вакили) томонидан бериладиган аризага спортчи ҳамда унинг тренери томонидан имзоланган мазкур Низомнинг 3-иловасига мувофиқ шаклда расмийлаштирилган маълумотнома-анкета, жисмоний тарбия-спорт ташкилоти томонидан бериладиган аризага эса, ташкилот раҳбари томонидан имзоланган ва ташкилот муҳри билан тасдиқланган (агар муҳр мавжуд бўлса) мазкур Низомнинг 4-иловасига мувофиқ шаклда расмийлаштирилган маълумотнома-анкета илова қилинади.

Китобча шаклидаги спорт паспортига эга бўлган спортчи республика спорт терма жамоаси ёки республика спорт терма жамоаси захирасига аъзо сифатида қабул қилиниши муносабати билан пластик шаклдаги спорт паспортини олиш учун мурожаат қилганда аризага қўшимча равишда спортчининг республика спорт терма жамоаси ёки республика спорт терма жамоаси захираси аъзوليғига қабул қилинганлигини тасдиқловчи ҳужжат нусхаси ҳам илова қилинади.

Электрон алоқа воситалари орқали тақдим қилинган электрон шаклдаги ариза мурожаат этувчининг электрон рақамли имзоси билан имзоланиши шарт.

13. Аризага илова қилинган ҳужжатлар ва улардаги маълумотларнинг тўғри расмийлаштирилганлиги ҳудудий бошқарманинг масъул ходими томонидан текширилади. Мурожаат этувчи бевосита мурожаат қилганда унга ариза қабул қилинганлиги тўғрисида тилхат берилади.

14. Аризага илова қилинган ҳужжатлар тўлиқ бўлмаганда ва (ёки) улардаги маълумотлар тўғри расмийлаштирилмаган тақдирда, ариза мурожаат этувчига камчиликлар бўйича тушунтириш берилган ҳолда қайтарилади (почта ёки электрон алоқа воситалари орқали камчиликлар кўрсатилган хат юборилади).

15. Келиб тушган аризалар ҳудудий бошқармаларда мазкур Низомнинг 5-иловасига мувофиқ шаклда юритиладиган журналда (бундан буён матнда журнал деб юритилади) қайд қилинади.

Журналнинг бетлари изчил кетма-кетликда рақамланган ва ип ўтказиб тикилган бўлиши керак. Журналнинг охириги бетида унинг нечта бетдан иборат эканлиги кўрсатилиши ва ушбу маълумот ҳудудий бошқарма раҳбарининг имзоси ҳамда ҳудудий бошқарманинг муҳри билан тасдиқланиши лозим.

16. Ҳудудий бошқармалар спорт паспортини бериш тўғрисидаги ариза келиб тушган кундан бошлаб 1 кун ичида ариза ва унга илова қилинган ҳужжатларни Марказга юборилишини таъминлайди.

17. Ариза ва унга илова қилинган ҳужжатлар Марказга келиб тушгандан кундан бошлаб 10 кун ичида Марказ томонидан:

спортчининг маълумотнома-анкетасида кўрсатилган маълумотлар текширилади;

спортчи ҳақидаги тегишли маълумотлар ягона ахборот-маълумот тизимида киритилади;

спортчининг спорт паспорти расмийлаштирилади;

расмийлаштирилган спорт паспорти ягона ахборот-маълумот тизимида қайд қилинади;

спорт паспортини мурожаат этувчига бериш учун тегишли ҳудудий бошқармага юборилишини таъминлайди.

18. Спортчининг маълумотнома-анкетасида кўрсатилган маълумотлар нотўғрилиги (сохталлиги) аниқланган тақдирда, Марказ томонидан спорт паспортини бериш рад этилиши мумкин. Бунда Марказ томонидан рад этиш сабаблари кўрсатилган хат тегишли ҳудудий бошқармага кейинчалик мурожаат этувчига маълум қилиш учун юборилади.

19. Ҳудудий бошқарма томонидан спорт паспорти (рад этиш сабаблари кўрсатилган хат) келиб тушган кундан бошлаб 1 кун ичида мурожаат этувчига алоқа воситалари орқали маълум қилинади.

20. Спорт паспорти мурожаат этувчига унинг шахсини тасдиқловчи ҳужжати (паспорт, туғилганлик ҳақидаги гувоҳнома, ҳарбий гувоҳнома) асосида журналга имзо қўйдириб олиш орқали топширилади.

21. Жисмоний тарбия-спорт ташкилоти вакили спорт паспортини олгандан сўнг уни спортчига топширади ва 10 кун ичида спорт паспорти топширилганлиги ҳақида ҳудудий бошқармани ёзма равишда хабардор қилади.

Ҳудудий бошқарма масъул ходими жисмоний тарбия-спорт ташкилоти томонидан спорт паспорти спортчига топширилганлиги ҳақидаги тегишли маълумотни журналга киритади.

22. Спортчи республика спорт терма жамоаси ҳамда республика спорт терма жамоаси захирасидан чиқарилганда (аъзолиги тугатилганда) пластик шаклдаги спорт паспортини бевосита ёки у мансуб бўлган жисмоний тарбия-спорт ташкилоти орқали ҳудудий бошқармага топширилишини таъминлайди.

Ҳудудий бошқарма топширилган пластик шаклдаги спорт паспортини унинг топширилганлиги ҳақида маълумотни ягона ахборот-маълумот тизимида қайд қилади ва уни Марказга юборилишини таъминлайди.

23. Спорт паспортини тайёрлаш билан боғлиқ харажатлар қонун ҳужжатларида белгиланган тартибда молиялаштирилади.

4-боб. Спорт паспортини алмаштириш

24. Спорт паспорти қуйидаги ҳолларда алмаштирилади (янгиси берилади):

спортчининг фамилияси, исми ва (ёки) отасининг исми ўзгарганда;

спорт паспортининг амал қилиш муддати тугаганда (пластик шаклдаги паспортлар учун);

спорт паспорти йўқотилганда;

спорт паспортининг эскириши, яроқсиз ҳолга келиши (ундан фойдаланиш имкони бўлмаганда);

спорт паспортининг тегишли маълумотлар қайд қилинадиган варақлари (бетлари) тўлиб қолганда.

25. Спорт паспортини алмаштириш (янгисини бериш) спорт паспорти қандай тартибда берилса, шундай тартибда амалга оширилади.

26. Спорт паспортини алмаштириш (янгисини бериш) тўғрисидаги аризага спорт паспортини нима сабабдан алмаштирилаётганлиги (янгиси олинаётганлиги) кўрсатилади ва мазкур Низомнинг 12-бандида назарда тутилган ҳужжатлар билан бирга спорт паспортининг ўзи ҳам (спорт паспорти йўқотилган ҳоллар бундан мустасно) илова қилинади. Бунда спортчининг фамилияси, исми ва (ёки) отасининг исми ўзгарганда ёхуд спорт паспорти йўқотилганда аризага тегишлича спортчининг фамилияси, исми ва (ёки) отасининг исми ўзгарганлигини тасдиқловчи ҳужжатнинг нусхаси ёки спорт паспорти йўқотилганлиги тўғрисида оммавий ахборот воситаларида берилган эълоннинг (йўқотилган спорт паспортининг берилган йили, тартиб рақами кўрсатилган ҳолда) нусхаси ҳам илова қилинади.

5-боб. Ягона ахборот-маълумот тизимининг амал қилиши

27. Ягона ахборот-маълумот тизими марказлаштирилган ҳолда Марказ томонидан юритилади.

28. Марказ ягона ахборот-маълумот тизимини ишлашини таъминлаш мақсадида: тизимнинг маълумотлар базасини шаклланишини назорат қилади; автоматлаштирилган ҳолда маълумотларни йиғиш, сақлаш, қайта ишлаш, умумлаштириш ва фойдаланувчиларга тизимдан маълумотларни тақдим қилинишини таъминлайди;

тизимдаги маълумотларнинг янгилаб борилишини таъминлайди;
тизимдаги маълумотларнинг ҳимояланишини таъминлайди;
тизимдаги маълумотларнинг ўзаро алмашинувини назорат қилади;
замонавий ахборот-коммуникация воситаларидан фойдаланган ҳолда тизимнинг техник ва дастурий воситаларининг узлуксиз ишлашини таъминлайди;

тизимдан фойдаланувчиларни рўйхатга олишни ва уларнинг ягона ахборот тизимига уланишини таъминлайди.

29. Худудий бошқармаларга ягона ахборот-маълумот тизимига худуд бўйича тегишли маълумотларни киритиш ва улардан фойдаланиши учун Марказ томондан тизимига кириш имконияти яратилади.

30. Худудий бошқармаларда ягона ахборот-маълумот тизимига худуд бўйича тегишли маълумотларни киритиш ва улардан фойдаланиш учун масъул шахс тайинланади.

31. Спортчининг спорт паспортидаги янгиланган маълумотларни ягона ахборот-маълумот тизимига киритиш ахборотни криптографик ҳимоялаш воситаларидан, шу жумладан электрон рақамли имзодан фойдаланган ҳолда маълумот узатиш воситалари (алоқа каналлари, Интернет тармоғи) орқали амалга оширилади.

32. Спорт паспортига киритилган маълумотларни ягона ахборот-маълумот тизимига киритиб бориш даврийлиги уч ойдан ошмаслиги керак.

6-боб. Якуний сонда

33. Мазкур Низом Ўзбекистон Республикаси Мудофаа вазирлиги, Ўзбекистон Мудофаасига кўмаклашувчи “Ватанпарвар” ташкилоти Марказий Кенгаши билан келишилган.

Мудофаа вазири

2017 йил 24 ОКТАБР




А.Азизов

Ўзбекистон Мудофаасига кўмаклашувчи
“Ватанпарвар” ташкилоти Марказий
Кенгаши раиси

2017 йил 24 ОКТАБР






Р.Ниязов


Спорт паспорти
тўғрисидаги низомга
1-ИЛОВА

Китобча шаклдаги спорт паспортининг ШАКЛИ

(муқовасининг ташқи тарафи)



(муқовасининг ички тарафи)



ASI
AT
CIDAN
ILDI
2113

(ИЧКИ ҚИСМИ)

[illegible][illegible]

Китобча шаклдаги спорт паспортининг ТАВСИФИ

Китобча шаклдаги спорт паспорти 10 x 145 миллиметр ўлчамга эга ташки ва ички томонли муқовадан ҳамда рақамланган 16 та бетдан иборат. Лотин ёзувидаги давлат тилидан фойдаланилади.

Спорт паспорти корешоги бўйлаб тикилади.

Спорт паспорти муқоваси ейилишга чидамли, кўк рангли материалдан тайёрланади. Муқованинг ташки тарафи ўнг томонинг юқори қисмида икки қаторда “O‘ZBEKISTON RESPUBLIKASI JISMONIY TARBIYA VA SPORT DAVLAT QO‘MITASI” деган сўзлар, ўрта қисмида Ўзбекистон Республикаси Давлат гербининг рангли тасвири ҳамда “SPORT PASPORTI” деган сўзлар ёзилган. Ёзувларнинг ранги – тўқ кўк.

Муқованинг ички тарафи кўк рангли бўлиб, чап тарафи ўртаси қисми фонида кўк рангли Ўзбекистон Республикаси Жисмоний тарбия ва спорт давлат қўмитасининг эмблемаси акс эттирилган, ўнг томонида эса Спорт паспорти тўғрисидаги низомдан қуйидаги мазмундаги қисқача эслатма келтирилган:

“ESLATMA

Sport pasportidan asosan quyidagi hollarda foydalaniladi:

sportchining bir jismoniy tarbiya-sport tashkilotidan boshqasiga o‘tishida;

sportchini sport musobaqalarida ishtirok etish uchun ro‘yxatga olishda;

sportchining tibbiy tekshiruvdan o‘tishida;

sportchi tomonidan sport unvonlari va sport razryadlarini berish uchun zarur bo‘lgan normalar hamda talablar bajarilishida;

qonunchilikda belgilangan boshqa hollarda.

Sport pasportida tegishli ma‘lumotlar sportchi mansub bo‘lgan tegishli jismoniy tarbiya-sport tashkiloti tomonidan kiritib (yangilab) boriladi.”

Пастки қисмида “Ushbu sport pasporti raqamlangan 16 ta betdan iborat” деган сўзлар кўрсатилган.

Ёзувлар ранги – тўқ кўк.

Спорт паспортининг ички қисми барча бетлари ранги – оч кўк. Биринчи бети рақамланмайди, қолган бетларнинг пастки қисмида (тегишлича ўнг ва чап тарафда) бетлар рақами қўйилади. Ички қисми бетлари зичлиги 150–180 г/м² қоғоздан тайёрланади.

Биринчи бетнинг юқори қисмида икки қаторда тўқ кўк рангда “O‘ZBEKISTON RESPUBLIKASI JISMONIY TARBIYA VA SPORT DAVLAT QO‘MITASI” деган сўзлар ва бетнинг ўртасида “SPORT PASPORTI” деган сўзлар ҳамда пастки қисмида спорт паспортининг Тартиб рақами (учта ҳарф ва олти рақамдан иборат) акс эттирилган.

Иккинчи бетнинг юқори қисмида икки қаторда тўқ кўк рангда “O‘ZBEKISTON RESPUBLIKASI JISMONIY TARBIYA VA SPORT DAVLAT QO‘MITASI” деган сўзлар, улардан пастда эса, икки қаторда “SERTIFIKATSIYALASH VA KOMPYUTERLASHTIRISH MARKAZI” деган сўзлар, кейин қизил рангда “SPORT PASPORTI” деган сўзлари ёзилган.

Иккинчи бетда спортчининг фотосурати учун жой назарда тутилган. Тўқ кўк рангда спортчининг фамилияси, исми, отасининг исми, спорт паспортининг тартиб рақами ва спорт паспорти берилган сана кўрсатилади. Шунингдек, Ўзбекистон Республикаси Жисмоний тарбия ва спорт давлат қўмитасининг Сертификациялаш ва компьютерлаштириш марказининг муҳри қўйилади.

Учинчи бетда спортчи тўғрисидаги умумий маълумотлар, тўртинчи бетдан ўн олтинчи бетгача эса, Спорт паспорти тўғрисидаги низомнинг 2-банди бешинчи – ўн тўртинчи хатбошиларида кўрсатилган маълумотларни қайд қилиш учун жадваллар келтирилади.

Спорт паспорти
тўғрисидаги низомга
2-ИЛОВА

Пластик шаклдаги спорт паспортининг ШАКЛИ

(ОЛД ТОМОНИ)

O'ZBEKISTON RESPUBLIKASI JISMONIY TARBIYA VA SPORT DAVLAT QO'MITASI		
SERTIFIKATSIYALASH VA KOMPYUTERLASHTIRISH MARKAZI		
SPORT PASPORTI		
Спортчининг фотосурати (2 x 3)	FAMILIYASI / SURNAME	
	ISMI / NAME	
	OTASINING ISMI / PATRONYMIC	
	AMAL QILISH MUDDATI / DATE OF EXPIRY	
		
Штрих-код	Tartib raqami: _____	QR-код

(орқа томони)

ESLATMA
Sport pasportidan asosan quyidagi hollarda foydalaniladi: sportchining bir jismoniy tarbiya-sport tashkilotidan boshqasiga o'tishida; sportchini sport musobaqalarida ishtirok etish uchun ro'yxatga olishda; sportchining tibbiy tekshiruvdan o'tishida; sportchi tomonidan sport unvonlari va sport razryadlarini berish uchun zarur bo'lgan normalar hamda talablar bajarilishida; qonunchilikda belgilangan boshqa hollarda.
Sportchi respublika sport terma jamoasi hamda respublika sport terma jamoasi zaxirasidan chiqarilganda (a'zolari tugatilganda) plastik shakldagi sport pasportini bevosita yoki u mansub bo'lgan jismoniy tarbiya-sport tashkiloti orqali tegishli Qoraqalpog'iston Respublikasi Jismoniy tarbiya va sport davlat qo'mitasi, viloyatlar va Toshkent shahar jismoniy tarbiya va sport boshqarmalariga topshirilishini ta'minlaydi.

Пластик шаклдаги спорт паспортининг ТАВСИФИ

Пластикдан тайёрланган спортчининг спорт паспорти ўлчами 54 x 86 миллиметрни ташкил этади. Спорт паспортининг ранги – кўк. Лотин ёзувидаги давлат тилидан фойдаланилади. Тартиб рақами учта ҳарф ва олти рақамдан иборат, қизил рангда.

Спортчининг спорт паспорти олд томонида юқори қисмида, кўк рангда “O‘ZBEKISTON RESPUBLIKASI JISMONIY TARBIYA VA SPORT DAVLAT QO‘MITASI” ва “SERTIFIKATSIYALASH VA KOMPYUTERLASHTIRISH MARKAZI” ҳамда қизил рангда “SPORT PASPORTI” деган сўзлар ёзилади.

Спорт паспортининг олд томонида, чап қисмида спортчининг фотосурати учун жой назарда тутилган. Шунингдек тўқ кўк рангда спортчининг фамилияси, исми, отасининг исми ва спорт паспортининг амал қилиш муддати тўғрисидаги маълумотлар ўзбек ва инглиз тилларида кўрсатилади.

Спорт паспортининг олд қисми пастида спортчининг ягона ахборот-маълумот тизимидаги тегишли маълумотларга бўлган ҳаволани ўзида акс эттирувчи штрих-код ва QR-кодлар бўлади.

Спорт паспортининг орқа томонида, Спорт паспорти тўғрисидаги низомидан қуйидаги мазмундаги қисқача эслатма келтирилади:

“ESLATMA

Sport pasportidan asosan quyidagi hollarda foydalaniladi:

sportchining bir jismoniy tarbiya-sport tashkilotidan boshqasiga o‘tishida;

sportchini sport musobaqalarida ishtirok etish uchun ro‘yxatga olishda;

sportchining tibbiy tekshiruvdan o‘tishida;

sportchi tomonidan sport unvonlari va sport razryadlarini berish uchun zarur bo‘lgan normalar hamda talablar bajarilishida;

qonunchilikda belgilangan boshqa hollarda.

Sportchi respublika sport terma jamoasi hamda respublika sport terma jamoasi zaxirasidan chiqarilganda (aʼzoliqi tugatilganda) plastik shakldagi sport pasportini bevosita yoki u mansub boʻlgan jismoniy tarbiya-sport tashkiloti orqali tegishlicha Qoraqalpogʻiston Respublikasi Jismoniy tarbiya va sport davlat qoʻmitasi, viloyatlar va Toshkent shahar jismoniy tarbiya va sport boshqarmalariga topshirilishini taʼminlaydi.”

Ёзувлар тўқ кўк рангда бўлади.

Спорт паспорти
тўғрисидаги низомга
3-ИЛОВА

**СПОРТЧИНИНГ
МАЪЛУМОТНОМА-АНКЕТАСИ**

Спортчининг Ф.И.О. _____
Жинси: _____
Туғилган сана (кун, ой, йил): _____
Яшаш манзили: _____
Телефон (уй.): _____ (мобил): _____
Таълим муассасаси (агар таълим муассасасида таҳсил олаётган бўлса): _____

Спортчининг
фотосурати
(3 X 4)

Ота-онаси ҳақида маълумот:

Отасининг Ф.И.О.: _____

Онасининг Ф.И.О.: _____

Тренери ҳақида маълумот:

Тренерининг Ф.И.О.: _____

Тренерлик фаолияти билан шуғулланиш юзасидан рухсатномаси рақами: _____

Тренернинг иш жойи: _____

Спортчининг танлаган спорт тури ёки турлари ва спорт тури тармоқлари: _____

Спортчининг спорт разряди (спорт унвони): _____

Спорт тури билан шуғулланишни бошлаган санаси: _____

Спортчи мансуб бўлган жисмоний тарбия-спорт ташкилотининг номланиши: _____

Спортчининг спорт терма жамоасига аъзолиги (республика, миллий, вилоят, шаҳар, туман) _____

Спортчининг спорт мусобақалардаги иштироки ва эришилган ютуқлари ҳақида маълумот:

Т/р	Спорт мусобақасининг номи (мақоми)	Сана	Кўрсатилган натижа	Эришилган ўриш
1.				
2.				
...				

Спортчи имзоси: _____

Спортчи тренери имзоси: _____

Спорт паспорти
тўғрисидаги низомга
4-ИЛОВА

СПОРТЧИНИНГ МАЪЛУМОТНОМА-АНКЕТАСИ

Спортчининг Ф.И.О. _____
Жинси: _____
Туғилган сана (кун, ой, йил): _____
Яшаш манзили: _____
Телефон (уй.): _____ (мобил): _____
Таълим муассасаси (агар таълим муассасасида тахсил олаётган бўлса): _____

Спортчининг
фотосурати
(3 X 4)

Ота-онаси ҳақида маълумот:

Отасининг Ф.И.О.: _____

Онасининг Ф.И.О.: _____

Тренери ҳақида маълумот:

Тренерининг Ф.И.О.: _____

Тренерлик фаолияти билан шуғулланиш юзасидан рухсатномаси рақами: _____

Тренернинг иш жойи: _____

Спортчининг танлаган спорт тури ёки турлари ва спорт тури тармоқлари: _____

Спортчининг спорт разряди (спорт унвони): _____

Спорт тури билан шуғулланишни бошлаган санаси: _____

Спортчи мансуб бўлган жисмоний тарбия-спорт ташкилотининг номланиши: _____

Спортчининг спорт терма жамоасига аъзолиги (республика, миллий, вилоят, шаҳар, туман) _____

Спортчининг спорт мусобақалардаги иштироки ва эришилган ютуқлари ҳақида маълумот:

Т/р	Спорт мусобақасининг номи (мақоми)	Сана	Кўрсатилган натижа	Эришилган ўрин
1.				
2.				
...				

Жисмоний тарбия-спорт ташкилоти тўғрисида маълумотлар

Ташкилотнинг номи: _____

Юридик манзили: _____

Идоравий мансублиги (агар мавжуд бўлса): _____

Ривожлантирилаётган спорт турлари: _____

Ташкилот раҳбарининг Ф.И.О. _____

Ташкилот раҳбарининг имзоси _____

М.Ў. (агар муҳр мавжуд бўлса)

Спорт паспорти
тўғрисидаги низомга
5-ИЛОВА

**Спорт паспортини олиш учун келиб тушган аризаларни ҳамда
берилган спорт паспортларини қайд қилиш
ЖУРНАЛИ**

Т/р	Мурожаат этувчининг Ф.И.О (жисмоний тарбия-спорт ташкilotининг номи)	Ариза келиб тушган сана	Ариза ва унга илова қилинган хужжатлар Марказга юборилган сана	Марказдан спорт паспорти келиб тушган сана	Спорт паспорти мурожаат этувчига топширилган сана	Спорт паспорти олинганлигини тасдиқловчи мурожаат этувчининг имзоси	Изоҳ
	<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>
1.							
2.							

Изоҳ: журналнинг 7-устунида ариза мурожаат этувчига камчиликлар бўйича тушунтириш берилган ҳолда қайтарилганлиги (почта ёки электрон алоқа воситалари орқали камчиликлар кўрсатилган хат юборилганлиги), Марказ томонидан спорт паспортини бериш рад этилганлиги ва бошқа маълумотлар кўрсатилади.